

Teej ñan COVID-19

Washington State Department of Health (DOH, Department in Ājmour) ej jermal wōt ñan kadiklōk an COVID-19 ajeeded. Juon wāween e aorōk ilo amim kōmman men in ej teej armej kōn COVID-19.

Wōn e maroñ bōk teej kōn COVID-19?

Jabdewōt armej me ej lōmṇak bwe e maroñ wor an kakōlle kōn COVID-19 en teej. DOH ej ba emman teej:

- Jabdewōt armej me ewor an kakōlle, jekdoṇ jidik wōt, kōn COVID-19 (pokpok, piba ak piṇ, kajjinōk ak e pen menono, metak ānbwin, metak bar, metak bōro, ak ej kab jakoṇ an edjoñ im ātbwin).
- Armej me raar epaak ñan nañinmej eo, āinwōt ro raar pād ippān juon eo im ewor an COVID-19, ak ro raar pād ijo elōñ armej raar bōk nañinmej eo.
- Epaake armej ej ñe juon ej epaak jān 6 ne (2 mita) iumwin 15 minit ak laplōk ñan juon armej me ewor an COVID-19. [Kwōn kōmman ta eļañne kwar epaak ñan juon armej me ewor an COVID-19.](#)

Kakōlle ko aō re dik wōt. Ij aikuj teej kōn COVID-19 ke?

- Aet, kwōn teej jekdoṇ eļañne edik kakōlle ko aṇ.
- Eļañne ewor aṇ piba, pokpok, ak kakōlle ko jet emōj kōnono kake ilōñ, emman bwe kwōn watōke āinwōt e maroñ COVID-19 im wanmaanlōk im teej. Eļañne kwōj aikuj pād iturin armej [emman kwōn kōnak juon mej](#). Kwōn kōjparok ro jet kōn aṇ pād wōt ṁweo imōm.
- Eļañne kwōj lōmṇak ewor aṇ COVID-19, kwōn call taktō eo aṇ bwe kwōn kōnono kōn eļañne kwōn bōk teej kōn COVID-19 ak eļañne kakōlle ko aṇ rej bar juon kain nañinmej.
- Eļañne ejjelōk aṇ taktō, kwōn etal ñan juon urgent care clinic epaake eok. Eļañne ejjelōk aṇ insurance in taktō, kwōn kōnono ippān jikin taktō eo ilo jukjuk in pād ṇe aṇ.

I maroñ bōk ia juon teej kōn COVID-19?

Ewor teej ilo elōñ jikin ilo Washington. Taktō eo aṇ e maroñ jipañ eok kōmman appointment ñan teej eo, ak kwōn kōnono ippān [jikin taktō ilo jukjuk in pād ne am](#) (kajin Palle wōt). Kwōn call ṁokta jān aṇ etal bwe kumi eo e maroñ kappojak ṁokta jān am tōpar ijo im kōmman jet men ñan kōjparok ro jet. Jouj im kōṇak juon mej ñe kwōj etal.

Ewi toōn bwe en waṇok result ko?

Ej ekkar ñan teej rot rej lewōj im ewi lab eo im rej jilkinlōk men eo aṇ ñan e. E maroñ wor result ilo 10 wōt minit ak e maroñ bōk jet raan kōnke eṇap an poub jet lab. Mae iien ewor result, kwōn pād wōt ṁweo imōm im ettolōk jān armej ro jet kōnke bōlen kwō nañinmej.

Ta meļeļein juon result positive?

Ñe result eo ej positive, meļeļein bwe ewor ak ej kab wor COVID-19 ippān armej eo. Eļañņe rej ba bwe kwō COVID-19 ak rej lōmņak e maroñ wor aṃ COVID-19, kwōn kōmņan men kein ñan bōbrae an ajeeded im ñan kōjparok jukjuk in pād ɳe aṃ: [Kwōn kōmman ta eļañņe ewor ak rej lōmņak e maroñ wor aṃ nañinmej in coronavirus \(COVID-19\) \(PDF\)](#).

Ta meļeļein juon result negative?

Ñe result eo ej negative, e maroñ meļeļein bwe armej eo ear jab nañinmej ilo iien eo ke raar teej e. Bōtab, juon result negative e jab meļeļein ejjeļok COVID-19. E maroñ bōk lalem raan ālikin an juon armej pād epaak ñan nañinmej eo bwe en alikkar ilo men jān bōtōṃ ilo teej eo. Meļeļein, bōlen kwō nañinmej, ak e ban alikkar ilo teej iuṃwin jet raan.

Ta in juon teej kōn COVID-19?

Juon teej kōn COVID-19 ej āinwōt teej kōn flu. Juon armej jān jikin taktō ej kadeļoñ juon swab ilo bōtōṃ. Innām rej āte men eo ilo nien im jilkinļok e ñan juon jikin teej ilo state in. E maroñ bōk 4 ļok ñan 48 awa ilo aer jilkinļok kōnke jet jikin repaak im jet rettoļok.

Jete oṃean teej eo?

Eļañņe rej teej eok kōnke ewor aṃ kakōļle ak kwar epaak ñan juon armej me ewor an COVID-19, enaaj ejjeļok oṃean jekdoṃon ewor aṃ insurance ke jab. Insurance Commissioner ilo state in ej ba bwe ro rej insure ren jab charge co-pay im kōļlā ko jet kōn teej eo kōn COVID-19.

Eļañņe ejjeļok aṃ insurance in taktō, kwōn kōnono ippān Health Plan Finder Support Center (Jikin Kapok Insurance in Taktō) ilo [Washington Health Benefit Exchange \(Jikin Kapok Jipañ Kōn Ājmour ilo Washington\)](#) bwe kwōn lale eļañņe kwō maroñ bōke im ejjeļok oṃean (Apple Health, būrookraaṃ eo an Medicaid ilo Washington) ak eļañņe kwō maroñ wia insurance in taktō ñe ekkar. Nōṃba in telephone ej 855-923-4633.

Ia eo I maroñ bōk meļeļe ko re ļap ļok?

Eļañņe ewor aṃ kajjitōk kōn result in COVID-19 teej, kwōn kōnono ippān taktō eo aṃ. Eļañņe kwō kōṃaan bar jet meļeļe kōn COVID-19, kwōn etal ñan state [Department of Health's COVID-19 webpage](#).